

гом же мал бе. Егда же вся искушения || и низщету со благодарением подъят, л. 276 об. то пред богом велик сотворися и паки и пред человеки величество прият. Жена же его тоже улишение чяд и имени подъят, но без благодарения, и сего ради ко святыни его не причтесе. Зри же вся святыя, иже Христа обстоящая, кто в сем мире скорби не подъят: Предтеча и Креститель христов Иоанн, свидетельствованный от Христа болший в роженных женами усечение подъят, Петр изведенный ангелом ис темницы — распятие. Павел восхищенный с плотию до третяго небесе — усечение. Паче же и сам Христос бе плотию подъят распятие. Сего ради не подобает о мирстем безчестии скорбети, но к богу притещи о согрешениих. Бог бо, милуя и обращая, искушение попускает, он же има волю и небесная даровати или по наказании и паки земная. Прже он подав и паки же добродетели ради подаст.

Бог же мира да буди с тобою веки.

Ко всякому человеку и о скорби и о радости. Глава 10

(По рукописи XVII в. № 1558 Погодинского собр. ГПБ)

Бог тя, сотворив, не забудет. Рече бо святых дух усты пророческими: л. 32 об. «аще жена отроча свое забудет, еже не помиловати исчадья чрева своего, но аз не забуду».^а Христос же рече: «ищите прже царствия божия и правды его и сия вся приложатся вам».^б

Христова ж словеса запечатленна сим еже рече: «и воздух^в и земля мимо идет, словеса ж моя не мимо идут».^г

Сие чадо разумевай. Бог же мира да будет с тобою веки.

^а Исаия, XLIX, 15

^б Матф., VI, 33.

^в В ркп. воз.

^г Матф. XXIV, 35.